

DE

# FEBRE ARDENTE,

Q V A M,

Præside Deo Opt. Max.

*Ex auctoritate Magnifici D. Rectoris,*

D. JOHANNIS COCCII, in Inclytâ Lugd.  
Batav. Academia Eloquentiæ & Historiarum  
Professoris Celeberrimi,

NEC NON


*Amplissimi Senatûs Academici Consensu, & Almæ  
Facultatis Medicæ Decreto,*

Pro gradu Doctoratûs, summisque in MEDICINA Honoribus  
& Privilegiis ritè & legitimè capiendis,

*Publico examini subjicit*

SAMUEL GOTTLIEB SCHOLTZ, Herrnstad. Silesius.

*Die 26. Martii loco, horisque solitis.*



LUGDUNI BATAVORUM,

Apud Viduam & Hæredes JOHANNIS ELSEVIRII,  
Academiæ Typograph.

clō lōc LXXVI.

*Viris Nobilissimis, Excellentissimis, atque*

*Experientissimis,*

D. SALOMONI REISELIO, Med. Doct. Illustriss.  
Comit. Hanoviens. olim Archiatro dignissimo, nunc  
verò Physico atque Practico Wormacensi celeberrimo,  
Avunculo suo omni amoris atque honoris cultu  
prosequendo.

D. JOHANNI FRIDERICO HELVETIO, Med.  
Doctori Hagienſi Famigeratissimo, Practico Felicissimo,  
Chymico probatissimo, Patrono atque Præceptoris  
suo, maximâ observantiâ in æternum colendo.

NEC NON

*Prudentissimis, atque Spectatissimis Viris,*

D. GEORGIO ADLERO, Civi inter Vratislavienses  
honoratissimo, Hospiti olim gratissimo, hactenus studiorum  
suorum Fautori incomparabili.

D. FRANCISCO DIONYSIO FISCHERO, Pharmacopœo  
Effurtensi celebri, Amico suo integerrimo.

UT ET

*Nobilissimis, Clarissimis atque Doctissimis Viris,*

D. DAVIDI SCHOLTZIO, S. S. Theol. Candidato.

D. FRIDERICO SCHOLTZIO, J. U. Candidato,  
Fratribus suis dilectissimis.

*Hanc suam Disputationem Inauguralem, eo  
quo par est animo*

dedicat

SAMUEL GOTTLIEB SCHOLTZ,


*Auctor.*



DISPUTATIO MEDICA  
INAUGURALIS,

FEBRE ARDENTE,

P R O O E M I U M.

uasquam DEUS, utpote summus atque sapien-  
tissimus rerum Conditor, maximopere sit suspi-  
ciendus in omnibus Creaturis, potissimum ta-  
men imperscrutabilis ipsius Sapientia Exemplar,  
Homo vocari meretur. Quicquid enim in hoc  
amplissimo mundi theatro sese nobis contemplandum sistit,  
nulla ratione hominis comparari potest praestantia. Sive enim  
corpus ipsius integrum, sive minimas spectemus partes, omnia  
nos trahent in maximam admirationem. Si verò conside-  
mus, quibus obnoxius sit calamitatibus atque morbis, obstu-  
pescimus, humanamque deplorantes fragilitatem exclamare  
cogimur: Quid nos sumus, qui aliquid esse videmur? Homu-  
li, & in quibus aetherea illius partis emicat aliquid fortasse,  
sed non sine adjunctâ face. Ne autem in tantis miseriis atque  
infirmis humanum genus constitutum, omnibus auxi-  
liis esset destitutum, DEUS benignissimus, remedia, solamen  
ipsi adferentia, innotescere voluit; hac adhibere autem non  
vulgi, sed prudentis est Medici, quem post numerosos exantla-  
tos labores, ad intimiora Naturæ penetralia admittere, atque  
contemplanda dare, dignatus est Omnipotens. Multis quidem  
primos vix limites salutare contingit, ea propter ad agros suos  
vocati, neque morbum, neque hujus genuinam dignoscentes  
causam, Empyricos agant, necesse est. Herophilus, nihil medi-  
camenta juvare, inquit, nisi bene adhibentem invenerint. &



*sanè uti nec ex quolibet ligno fit Mercurius, ita nec ex quovis homine Medicus. Propterea cavendum est, ne quis idem experiatur, quod ille, cui celebris quidam Medicus præscripserat medicamentum, cujus beneficio pristinam recuperaverat sanitatem. Cum autem paulò post rediret morbus, atque ager ad idem confugeret remedium, nullo tamen cum successu, quaerens quare non ut antea juvisset, responsum tulit à Medico: quoniam à me non fuit ordinatum. Nobis cum animus esset Disputationem hanc conscribere inauguralem, operæ pretium esse duximus, talem nostris cogitationibus subjicere Affectum, qui toto ferè die inter homines utpote ipsis inimicissimus grassari non desinit, quique nostra saginare cimiteria atque castra depopulari solet; cujus cum hætenus aliquam nobis suppedi-taverit cognitionem praxi quotidiana, magni nostri Patroni Dn. Iohannis Friderici Helvetii Med. Doct. atque Practici Hagiensis famigeratissimi, eo alacriori animo eundem nobis contemplandum summus. Dum itaque indubitata fiduciâ nobis æquum L. B. promittimus iudicium atque favorem, absque ulteriori præfatione bono cum DEO ipsum aggredimur opus; sit ergo*

## T H E S I S I.

**D**e Nomine hujus Febris non adeò fuimus solliciti, quanquam pro symptomatum varietate, varia fortiatur nomina sive appellationes, interim tamen, si non omnibus, iis saltem, quos evolvere nobis contigit, scriptoribus, Febris Ardens communissimè appellari consuevit. Germani dicunt Das hitzige fieber.

### II.

Distinguitur alias ab Authoribus in exquisitam atque notham; exquisitam vocant, quæ duo insignia symptomata habet, calorem nimirum flagrantissimum, sitinque inextinguibilem, & ut ita dicamus, clamoriam; notham, in quâ vel utrumque horum, vel alterutrum mediocriter sese habet. Variæ hinc inde occurrunt apud Medicos distinctiones, sed hæc nequaquam nostras facientes, potius, dum alias hæc febris inter synochas sive continentes refertur, quæ



quæ subdividuntur in Biliosas atque Lymphaticas, hanc Febrem Ardentem Biliosam vocare, neutiquam veremur.

### III.

Missis etiam aliorum variis definitionibus, statuimus, non incongruè eam definiri posse, quod sit; *Sanguinis effervescencia præternaturalis, cum Ardore præcipue atque siti conjuncta.*

### IV.

Cum autem Febrem hanc Biliosam vocare non dubitaverimus, maxima sanè culpa in Bilem rejecta videtur, qua ratione verò massæ sanguineæ mixturam invertere, tantique ardoris causa existere possit, explicandum venit.

### V.

Necessarium quapropter fore existimamus, Bilem, vitæ nostræ balsamum, in naturali contemplari statu, quod si hoc fecerimus, facile unicuique patebit, quomodo præter naturam constituta, varios in corpore morbos atque sic quoque Febrem Ardentem producere possit.

### VI.

Non autem in vesicula fellea generatur bilis, sed ut cæteri in corpore liquores, separatur ex sanguine, & quidem venoso, per acinos hepatis glandulosos, (microscopio alias tantum conspicuos, in Hydropici tamen cujusdam Erffurti A. 1674. ab Experientiss. Dn. Joh. Christophoro Ruperti Med. Doct. atque Anatom. P.P. Præceptore nostro honorando, dissecti hepate scirrroso, nudis eos oculis observare potuisse, meminimus. Ejusmodi hepatis scirrhusi nuper quoque in publico theatro Anatomico mentionem faciebat D.D. Carolus Drelincurtius, Consiliarius & Medicus Regius in Galliis dignissimus, Praxeos & Anatomies in hac Academia Professor felicissimus, acutissimus, Præceptor atque Promotor meus maximo honore suspiciendus, ubi profitebatur, se alios acinos triangulares, alios quadrangulares conspexisse. Bilis verò sale lixivo volatili & oleoso aqua copiosa diluto constat. Cum enim massa sanguinea diversas, inprimis verò salinas, alcalinas, acidas & sulphureas in se foveat particulas, ex quibus nonnullæ, per certam minimarum istarum glandularum texturam, tanquam per quoddam cribrum secernuntur & bilem constituunt. Contenta hæc in bile, sal nempe lixivum & oleosum demonstrari possunt; primum quod attinet, præmittendum prius erit, nos hic non intelligere sal



ejusmodi lixivum artificiale, & igne parari solitum, sed tale quod alcalinam virtutem habens acidis adversatur. Sapor amarus de vi illa testatur, cum enim amara id agere, quod alcalia, notissimum sit, e. g. cereviasias, nil melius ab acescentia, quam amara conservant, idem quoque virtus incisiva & rarefactiva (cum acida potius constringant) manifesto probat, ob quam causam pictores bilem coloribus suis immiscant, per quos sequebatur longissime diffundit. Observante quoque Diemerbroccio bilis ex folliculo educta semicochleare integræ libræ aquæ infusum, sufficienter eam colore suo tinxit. Imo fel tauri, ob virtutem abstergendi ac alvum stimulandi addi solet Clysteribus. Partem vero oleo salm ostendit bilis, a quo floribus ejus particulis vel evaporatis, vel etiam destillatione abstractis, remanens quippe mellago maximè est inflammabilis, quale experimentum hæcenus aliquoties inter privatos fecimus parietes.

Separata hoc modo bilis, partim ad folliculum, ut ulteriorem in ipso à glandulis tunicis vesicæ propriis, sortiatur perfectionem; (quas glandulas in Hydropico inquisitionibus Anatomicis in Notocomio 29. Novembr. anni elapsi vir Clariss. Lucas Schacht P.P. atque Præceptor hoster colendus, egregiè demonstravit.) partim per poros bilarios deferitur ad intestina, ibidemque alimentis in ventriculo in cremorem subacidulum resolutis, se adjungit, saleque suo volatili oleoso lacorem à stomachi digestionem nonnunquam superstitem infringit & temperat, & heterogenearum excrementitarum partium secessionem & præcipationem promovet; imò chylo etiam, asserente hoc Cl. Tackio in Chrysogonia animalium & mineralium pag. 28. & seqq. parte sua sulphurea dispositionem pro futura sanguificatione, & in Tincturam rubram faciliore exaltatione, occultè communicat. Examinatam enim per destillationem, tincturam sulphuream, instar Rubini, præbuisse, inquit laudatus Tackius. Huc quoque ex Miscellaneis Curiosis Germanicis observatio 61. D. D. Joachimi Georgii Elsneri Practici quondam Uratiffaviensis celeberrimi, trahenda est, qui dum Parisiis viveret, atque in cane dissecto, ligaturam vasis lacteis injiceret, post aliquot horas invenit liquorem rubicundissimum, sanguinis instar, loco chyli, manifesto indicio hunc colorem antea intus latuisse. Hinc bile deficiente, vel sale ejus volatili oleoso vitiatò,

debita



debita deficit sanguificatio, unde cachexia, hydropes, icterus &c. oriuntur. Eâdem acri nimis ac oleosa existente naturalis sanguinis pervertitur mixtura, indeque febriles effervescentiæ concitantur. Interim sanguini etiam in hepate bilis aliquam portionem communicari probabiliter asseri potest cum Diemerbroccio, qui in Anatomies suæ lib. 4. cap. 16. p. 156 statuit, quod fermentacea atque imprimis biliosa qualitate sanguis ex hepate in cavam profluens perfusus sit, liquere id, si in récenter occiso animali, mox hepar à cava abscindatur, & tunc ex eo effluens sanguis colligatur, 27 eique spiritus nitri affundatur, statim enim æruginosum fieri, id verò in nullo alio contingere. Imò ipsa lymphâ in hepate ex admistâ ei bilis & flavedine & amarisculo imbuitur sapore; quod testantur viri magni nominis Franciscus de le Boë Sylvius in disput. de vasis lymphaticis & Kerkringius in observat. Anatom. observ. 5. p. 17. Consideratis autem iis, quæ ad naturalem bilis existentiam videbantur pertinere, perpèndendum restat, quam, ut introducat Febrem Ardentem, dispositionem requirat.

#### VIII.

Quam primum ergò officio suo fungi desinit, siye per totius corporis partes, furibundatur, eo ipso momento indignantes, vel ipsius impeditum fluxum, vel vitiatam esse concludimus.

#### IX.

Ut ut autem huc spectare non videatur, recensere, quæ mala absentia bilis originem suam debeant, lubet tamen; quò ipsius dignitas atque utilitas eò magis innotescat iis, qui hunc vitæ balsamum, tanquam excrementum inutile è corporis nostri regione proscribendum putant, in medium producere Icterus, ubi obstructis vesicula & poro bilari, massæ in ventriculo fermentatæ, inque intestina delatæ, partes utiles ab inutilibus secerni nequeunt, unde multa symptomata, præsertim verò totius corporis contabescencia subsequi solet. Hic quoque memoratu dignum esse judicamus, quod cum ante triginta circiter annos innumeri boves in Poloniâ quasi exortâ quadam peste, interirent, nihil vitii in eorum cadaveribus dissectis observatum fuerit, quam quod fellis vesica tota in lapidem fuerit conversa. Quod cum ad Wirsungium Medicum Patavii celeberrimum perscriberetur, ipse omnis luis causam in lapidefactam cystim rejecit. Simile exemplum Fernelius l. 6. sympt. c. 5. refert de decrepito quodam sene, in quo post obitum, loco



loco vesiculæ biliaris lapis fuerit inventus. Ob defectum vel inertiam bilis corruptiones sæpe putredinales in corpore nostro oriuntur, ex quibus varia producta, vermes, lumbrici &c. prodeunt; qualem cum nos ipsi & quidem notabiliorem A. 1672. in Academia Jenensi observaverimus, hic annectere non incongruum esse duximus: Canis nimirum cultro subiciebatur anatomico, in cujus intestino jejuno, dum occupati essemus in investigando ductu Wirfungiano, lumbricus sex ulnarum longitudinem excedens, hospitabatur, institutâ accuratiore viscerum inspectione, vesiculam biliariam ferè vacuum nobis invenientibus, facillimum erat dijudicare, quam ob causam hospitio hoc, lumbricis alias ob bilis influxum minus usitato, uti consueverat.

## X.

Hæc satis evincunt, bilem, quando non rectè sese habet, tum chylicationem, tum alias actiones interturbare posse. Quapropter, uti antea dictum, beneficâ ipsius præsentia, dulcissimæ sanitatis pomœria longè lateque propagari, neminemque saluari hoc succo destitutum, diutius superstitem futurum, tam certum est, quam quod certissimum. Sistat igitur nunc sese vitiata atque in furorem redacta, contemplanda bilis, prout nimirum nobis causa Febbris Ardentis vocatur.

## XI.

Vitium autem atque furor ipsi accedunt variis modis; & quidem ab *Aëre* corpus nostrum ambiente quam bilis sortiatur mutationem, prolixiori vix indiget demonstratione, vim enim suam in mutandis corporibus exserit, vel qualitatum immoderatione, vel substantiæ vitio, vel subita mutatione, vel motu inconveniente. Qualitatum autem intemperies omnis aëri oboritur, ab anni temporibus, locis aut ventis; calida enim aptissima est aperire poros, quo facto aëri transitus conceditur. Noto verò est notius à calore debito facillimo negotio oleosa posse rarefieri, idem contingere bilis oleositati, ab aëre æstivo fervidiore dissolutæ, statuimus. Ab *Aëre* quoque *frigidior* & densiore cutis spiracula constringuntur, indeque effluvia foras eliminari solita, introrsum recedunt & sanguinem de novo exagitant. *Aër humidus*, à locis aquosis atque paludosis proveniens, calorem obruendo, porosque occludendo noxius esse potest. Ab *Aëre sicco*, ventis originem suam debente, corpora densantur & humores sicci durique redduntur, qui iisdem obstru-



obstructionibus anſam præbent. Imò dum febres Ardentès vix omni carent malignitate, quandoque adſtantibus, miaſmate quodam fermentativo inquinatus Aër, pernicioſum advehit contagium.

## XII.

Peccare porrò bilis poteſt tam quantitate, quam qualitate; utrumque evenire videmus ab aſſumptis alimentis aromaticis, atque ſale volatili oleoſo abundantibus, amaris, acris atque ſpirituosis, ut ſunt omnis generis aromata, ſemina atque plantæ, ſale volatili acriori prædita e. g. Piper, Caryophylli, Nuceſ moſcata, ſinapi, Raphanus ruſticanus, naſturtium, cochlearia &c. Bilem maximâ acrimoniâ peccantem, ſuppeditavit nobis cadaver noſocomicum, decurſo nuper Novembre menſe à viro Excell. atque experientiſſ. Dn. D. Schachtio P. P. diſſectum; Ægra enim dum adhuc eſſet in vivis, de doloribus totum corpus perreptantibus conquerens, eoſdem continuis teſtata eſt clamoribus. Aperto abdomine, maxima bilis copia, valdeque ſpumans, (integra tamen veſicula) effuſa ſuper inteſtina conſpiciebatur. Non raro quoque à nimio corporis motu excitari febrem Ardentem in propatulo eſt, crebrioribus ſiquidem corporis exercitiis, non ſolum ex violentâ concuſſione, ſanguinis liquor valde attenuatur, atque maſſâ ſanguineâ concitatiore curſu per univerſum corpus agitâtâ, particulæ ejusdem oleoſæ magis magisque reſolvuntur, verum etiam bilis in majori copia ad inteſtina propuſſa, eodemque modo oleoſitate exacerbata, calor vehementiſſimus oriri ſolet. Luculentiffimi exempli loco erit nobis Studioſus quidam Jenenſis, timens, ne contagium à conterraneo febre ardente extincto, hauſerit, liberiore aère ſibi conſultum iturus, verum corporis agitationibus indulgens nimis, incidebat in eandem febrem, quam tamen innox ſubſequebantur hæmorrhagiæ narium pertinaentiſſimæ, quæ, fruſtra omnibus tentatis, ſanguinis fluxum alias ſiſtentibus remediis, comites ipſi uſque ad ultimum vitæ halitum permanentes, immaturam licet, blandiſſimam tamen amico noſtro accelerabant mortem.

## XIII.

Præterea vigiliæ nimis protractæ ſuum huc conferunt ſymbolum, adauctis quippe iiſdem abſumuntur ſpiritus animales, arcen-  
tes alias humorum acrimoniam, ipſiſque juſtam largientes tempe-  
raturam.



raturam. Porro acrimonia bilis alvum sequitur adstrictiorem, sic-  
que febris exurgit, quatenus in intestina sese effundenti, particulæ  
quædam effervescentiæ nostræ vitali peregrinæ, ex saburra excre-  
mentorum, justo diuturniorem moram nectentium, ascendentes  
non communicantur; aut quatenus retinetur in corpore bilis, quæ ex-  
cernenda erat cum excrementis, sicque in majori per partes distri-  
buita copia, inordinatum calorem excitare posse, quis asserere du-  
bitat? *maxe tempore (iis de delirio) huius: munda colorem*

#### XIV.

Huc quoque spectant animi pathemata, ex quibus ira præci-  
puum meretur locum, cum spiritus nimia & plus solita copia, aut  
majore impetu cordis ad volant, motuque ejus maximè corri-  
piunt, & horrendiss aliquando subsultibus exagitant, unde cordis  
systole majorè facta, sanguis non solum majori cum vi extruditur  
ex cordis thalamis, verum etiam ubi ad ventriculorum latera &  
vasorum parietes allidit, nimium conquassatur, itaque particulis  
il sanguinis oleosis & carceribus suis liberatis atque resolutis, calor  
il sobolescit præternaturalis. Idem gaudium nimium efficere, fami-  
liæ in febrem ardentem plethoricam incidentis exemplum testatur,  
quod habet Præceptor olim noster maxima observantia colendus,  
jamque post fata non sine honoris titulo nominandus celeberrimus  
Guernerus Rolincius O. & M. lib. 2. S. 3. c. 106. Experientia  
quoque testatur à subitaneo tempore meruge ortas fuisse febres Ar-  
dentes, in terrore enim à contractione atque concussione pluri-  
rum in corpore fibrarum sanguis inordinatè movetur atque effervescit.

#### XV.

Cum itaque dictum fuerit, quod turgescentia salis volatilis &  
oleosis, quod alias bilem vocant, sit causa febris Ardentis, etiam ex  
hoc fonte erunt desumenda symptomata, & uti diximus esse Patho-  
gnomica signa hujus febris ardorem atque sitim, sic ipsi subinde ac-  
cedunt, lingue ariditas, labiorum fissuræ, capitis dolor, aliaque  
symptomata. Ipsam quoque insequitur faucium Ardor, quæ ru-  
bore obscuro sunt prædita, lingua non tam arida, quam colore pu-  
niceo nigricante tincta (Thonerus quasi atramento denigratam  
observavit) conspicitur; Germani talem colorem vocant Rirsch-  
braun / vulgari nomine appellatur die bräune.



Præterea huic Febri familiaria sunt symptomata Paraphrenitis atque delirium; istius exemplum occurrit apud Tihoncr. lib. I. observ. 4. pag. 19. de Barone Windischgrätz / qui febre continua sat ardente decumbebat, superveniente Paraphrenisi tam gravi, ut in lecto contineri nequirit, quin vestibus indutus, ex conclavi profilire anniteretur, tanta ferocia, ut duo ministri vix pares, ad ipsum compescendum : hujus ( videlicet delirii ) aliquot exempla non ita pridem cum Cl. Helvetio in juvenculis duabus nos observasse, memoria suppeditat, altera quæ surgens de nocte, ignem extruxit, hujus tamen facti sequenti die plane ignara; altera quæ stragula, medicamenta & quæ manibus prehendit, à se abiecit, hoc tamen delirium diarrhæa, urinæ excretio involuntaria atque vigiliæ concomitabantur continuæ. Talis febris ab Authoribus vocari solet colliquefactiva sive colliquativa, quia brevi temporis spatio totum corpus emaciat, atque confumit, & si hoc non tam sine sensili excretionem, sicut in ardore contingit febrili, quam mediante sensili excretionem uri modo de iâgra diximus, ejusmodi excretionem dicuntur colliquativa, sive diarrhæa colliquativa, urinæ fluxus colliquativus. Imò massâ sanguineâ ad majorem redactâ effervescentiam, atque impetuosè nimis ad caput ruente, præsertim si acrimoniâ quâdam scatet, vellicando & succutiendo membranas, capitis dolorem infert. Insigniter quoque turbantur animales spiritus, siquidem nimium calefacto cerebro, vel ipsius poris redditis patentioribus, iidem exagitantur, & quasi in furorem rediguntur, aut etiam à sale volatili nimis oleoso, quasi Phlogosi quadam correpti, in tales inordinatos & confusos motus concitantur, unde vigiliæ capitisque dolor. Quod si autem nulla sensilis observatur excretio, indicium est, massam sanguineam justo acriorem atque ineptiorem esse nutriendo corpori, ardor propterea per totum corpus diffusus, vim liquefactivam possidens, rorem aggreditur nutritium, qui liquefactus sub seri vel halituum forma successivè ejicitur.

## XVII

Hinc prostratæ vires, lassitudo totius corporis. Cumque nimium rarefactus sanguis transit pulmones, cujus effervescentiam aër attractus neququam temperare potest, unde respiratio frequentior, quæ tamen difficilis; hinc angustia circa præcordia, interdum quoque animi deliquium vel Syncope superveniunt. Alvus interdum



soluta, interdum compressa; solutam tum ab acrimonia bilis, tum ab intestinorum motu peristaltico concitatiorē; compressam vero ab ardore, totum corpus extorrente, aut a bile pituitam intestinalem nimium quantum incidente, deducimus, qua incisa atque abrafa ventris morsus, ab acrimonia bilis dependens, subsequi solet. Hisce rariorem quandam adnectere placuit observationem, quam ex litteris Cl. Hamburgensium Practici D.D. Fogelii ad nobiliss. D.D. Limprechtium, amicum meum certissimum, datis, communicatam accepi, inquit ille se servare cujusdam Pueri octennis, qui febre ardente cum malignitate tamen quadam conjuncta, laboravit, frustra Epidermidis, cui integra abscesserit. Potuisse autem quasi ceram a digitis abducere.

### XVIII.

Facile itaque Diagnosin patet, diximus enim, Pathognomica Febris Ardentis signa esse, sitim auctam atque calorem ardentem. Pulsus præterea magnus, qui pro bono ut plurimum habendus, sed nimis parvus, pro malignitatis æstinatur signo; est quoque vehemens celer atque frequens, similitudinem fere habens cum illo, qui per crebriorem corporis motum atque incalescentiam in nobis excitari solet. Si vero sit nimis intensus, proque causa nimiam sanguinis agnoscat ebullitionem, necessario deprehenditur vehementior arteriarum vibratio. Urina in hac febre rubra, quam tincturam in præternaturali sanguinis effervescentia acquirit, ubi particulae salinae & sulphureae exactius dissolvuntur, aque sero absorptae, arctius eidem uniuntur. Crassa vero & turbida fit urina, dum aliae particulae heterogenae ex sanguine effervescente præcipitatae, cum reliquis salinis sulphureis exacte uniri recusant, radiisque inde luminosis, propter disproportionatos poros exclusis, liquor minus perspicuus apparet.

### XIX.

Prognosin quod attinet, dicimus; si Febris Ardens, mox, uti loqui amant, extremos habeat labores, id est, quæ in principio acuta nimis atque symptomata manifestet graviora, periculosa fatis existit. Bonum autem est signum, si æger facile morbum ferre possit, si non æstuēt nimium, nec siti inexplibili excrucietur, si absint angustiae circa præcordia, si respiratio facilis, si nullam partem internam dolere sentiat, si dormiat, si lingua non adeo arida sit. Cum calor intensus, de quo thes. 16. locuti sumus, vaporosus existit, febrem

pericu-



periculosiorem esse prædicimus, dum enim tangendo arteriam, mador quidam percipitur, indicium est massam sanguineam esse nimis acrem, absente autem hoc madore, temperatiorem eandem esse, asserere nulli dubitamus. Alvi fluxus in principio magnus, qui plerumq; vires corporis prostrernere solet, imminentis periculi aut ipsius mortis est indicium. Urinæ quoque interdum periculum denotant, albæ enim in febribus ardentibus periculosissimæ, imò si febris comitem habeat delirium, pro lethali signo haberi solet. De tempore hyemali sua quoque Medici foveant præfagia, dicentes: hyeme ferè periculosiores esse ardores, quod non sint tempori congeneres, itaque concurrisse causam maximam, quæ contrarietatem temporis superarit. Et quia Medico multum existimationis ab indicatione Criticorum motuum accedit, sanguineum è naribus promanaturum prænuntiare poterit, si aures & cervice rubentes, cætera pallida, spontaneæ lacrymæ atque caligo oculorum conspiciantur, quibus tamen cum splendore gravitas capitis, colli, frontis & temporum, pulsatio venarum, nec non pruritus narium superveniunt. Vomitus autem signa sunt, horror inferiorum partium, tenebræ objectæ oculis, ventriculi dolor, tenuis sputatio. Sudorem prænuntiant pulsus undosus & præmollis, suppressa alvus simul & urina.

## XX.

De tempore durationis notandum, quod, si nimis sit acuta febris ardens, intra diem quartum finitur, & si sit pura, raro septimum transeat diem, interdum tamen ad decimum quartum extendatur, cujus exemplum, præsentè Excell. Dn. Luca Schacht nobis in nosocomio publico nuper suppeditabat quædam juvencula, quam tamen faciei erisypelas, & uti symptomata urgebant indicantia, pleuritis supervenerant. Porro faciem turgidam atque subtumidam affectus longitudinem prænuntiare à Medicis asseritur, quod utrum pro certo sit assumendum signo, experientia nos aliquando est eductura.

## XXI.

Et quia febris ardens, uti aliquoties monuimus inter effectus, recensetur acutos, quandoque natura sibi per Crisin consulit. Opus autem suum sive per sudores, sive per hæmorrhagias ut plurimum narium expedit. Exemplum Critici sudoris notatu dignum videre est apud Hildanum centur. vj. observ. 17. de viro quodam robusto,







ablegarunt, nos edocuerunt. Quippe hac ratione omnes ferè, quæ jam prostratæ atque debilitatæ sunt corporis ægrotantis vires, exhauriuntur, sicque impares fiunt ad resistendum morbo. Joh. Agricola Chymiater & insignis Practicus in sua parva Chirurgia asseverare non dubitat, venæ sectionem in Lue Ungarica, præsertim si ultra 24 horas à prima invasionè proroganda, lethalem se plures, quam centum, sanguine detractò observasse, internecioni traditos. Huic similia exempla videri possunt apud Martinum Rulandum, in ejus de Lue Ungarica tractatu atque Hieronymum Bra- castorium lib. de Contagio. Nam cum harum febrium fomes non consistat in plethora, sed cacochymia, corrigendos potius internis medicamentis, quam educendos esse humores, statuimus. Et si in corpore plethorico aliquando admittitur phlebotomia, neutiquam directè curationem febrium, sed plethoræ evacuationem intendimus. Sed cum nulla aut paucæ sit ciborum appetentia, digestio & sanguificatio, necessario quoque mox binis diebus, plethora, si qua sit initio, deficiet, cessabitque ejus indicatio, pro cruoris missione in Febriente, quam opinionem nobis inculcat Johannes Baptista van Helmont. Quod autem mox in febribus non sit amplius plethora, hoc vident, quotquot ulcera è cauterio patiuntur, scilicet mox à febribus siccantur, nec solitum pus dant.

#### XXXV.

*Purgantia* in principio hujus morbi non sunt præscribenda, nisi id urgeat necessitas, atque æger id ferre possit, ne sanguis jam tum præternaturaliter effervescens, in concitatiorem adhuc motum redigatur. Quanquam contrarium suadere videatur Thoneri observatio 34. quam habet lib. 1. pag. 52. ubi inquit: se cuidam mercatorii ordinis, febre continua correpto, calore non naturali in toto exorbitante, magno imprimis ardore atque incendio circa dextram abdominis regionem, intestinorum cum locis vicinis inflammationem contestante, accedente *αἰόγ: & oris amarore*, exhibuisse hunc bolum purgantem; R. Magist. Jalap. gr. xv. Essent. scam. gr. vj. Elect. Lenit. ʒ.β. M.F.B. Exinde sat largos secessus septem subsecutos, excreta materia valde crocea & fervidâ, humorem biliosum prodente, cum magno levamine, *φλοῦσος* remissione. Tutius tamen atque majori cum successu postquam natura morbum superavit, præscribuntur. Sed durare morbo, atque alyo adstrictiore urgente, ad clysmata consulgiat Medicus, sic enim impediet,



quo minus æger crebrioribus defatigetur dejectionibus, ipsum quoque ab aëre ambiente ut plurimum frigidiorē adeoque nocivo, præfertim hisce in regionibus, ubi ob fornacum defectum aër minus temperari solet, est præservaturus. Quod si verò alius sit nimis laxa, convenientia Enemata, humorum acrimoniam corrigentia, neutiquam sunt negligenda, eadem enim hoc pacto evitabimus incommoda, quorum in principio hujus thes. facta est mentio.

#### XXVI.

Imò si ægri patiatur natura, *Vomitoria* non erunt infini subsellii, magna enim bilis per hæc ejicitur copia, quam sæpenumerò viscosa fatis, fermentumque ventriculi obtundens, concomitatur colluvies. In horum classem præprimis trahendus est *Tartarus Emeticus* Myrsichti, cujus egregias virtutes nos *Experientia Cl.* cujusdam Medici hætenus sufficienter edocuit.

#### XXVII.

Præterea *Opiata* cautum requirere Medicum in propatulo est, quippe intempestivo adhibita tempore, recidivam pati faciunt ægrum. Sic pessimè in principio aut statu morbi, quando *Crisis* imminet, in medium vocantur, magis tamen in incremento morbi conducunt, omnibus enim symptomatis quasi frænum injiciunt, somnum promovent, delirium abarcent, doloresque præsertim capitis, multo mitiores reddunt. Ea propter Medici *Syr. Papav.* errat. ad 3j. cum tantillo Nitri mixtum, utpote nobilissimum, satisque blandum maximis extollunt laudibus. Nobis *Essentia Opii* *Nepenthes* alias convenienti vocata nomine in justa propinata dosi, vel *Laudanum Opiatum* in decenti ad gr. ij. vel iij. exhibitum mixtura, sufficiet.

#### XXVIII.

*Gargarismata* quoque, ubi lingua adusta atque subnigricans apparet, non sunt omittenda, ea nimirum non solum viscosos & pituitosos in faucibus hærentes humores attenuant atque educunt, verum etiam continuum linguæ ardorem atque sitim compescunt. Egregii sunt valoris; *Folia Prunel. Salic. Fragar.* cum s. q. hordei decocta, si colaturæ addatur nitrum depuratum vel lapis *Prunel.* in s. q. *Venas Raninas*, si nimis conspiciantur tumidæ, incidendas esse suademus, experientiâ siquidem Medicorum hæc nostra asserta satis sunt stabilita.

#### XXIX. Ad



Ad *externos usus* commendare solent Medici cataplasinata ex farina hordeacea, subacta succo lactucarum, cucumeris, polygoni, plantaginis, capreolorum vitis & similium. Folia Lactucæ, ramenta cucurbitæ, aut cucumeris, manibus contrectantur & admoventur plantis pedum. Interdum quoque pedes aquæ frigidissimæ immerguntur, cui tantillum vini, vel ad faciliorem penetrationem vel ad refringendam frigidæ vim, immiscent. Genitalia involvuntur linteo, subinde inculcato in miscella ex aqua rosarum, vino tenui & aceto; etenim mirabiliter contra æstum facere perhibent. Verum omnia hæc frigida, intempestivo non applicanda sunt tempore; quippe initio & augmento febris non conveniunt. In vigore & declinatione æstum extinguunt. Quid de pulmonibus recens mactatorum animalium, columbis, pullis, catellis divisis mediis, raso capiti, pectori, plantis, hypochondriis, ut tepido calore calorem igneum foras attrahant, admoveri solitis, sit sentiendum, hic recensere superfedebimus.

Tandem quod ad Dietam spectat, monendi sunt adstantes sive cognati, ne liberiores aegros denegent potum. Pessimè enim eos Medicos agere quis ignorat? qui, nescio, qua ducti ratione, licet ardor atque sitis maxima ægros afficiant molestia, nihilominus tamen omnem fere potum ipsis interdicerent. Quod si vero eosdem in agone ferè constitutos atque semimortuos conspiciunt, plenos cyathos exhaurire jubent, magna cum febricitantium iactura atque periculo. Nos dum suademus, ut parcius, frequentius tamen bibant, nec una vice copiosum haustum ingurgitent, non in cassum id proposuisse, firmissimis rationibus sumus persuasi. Pantrollus Pentecost. 1. observ. 31. mentionem facit cujusdam Juvenis, qui febre ardentissima, maximis symptomatibus correptus, mortuus est; secto cadavere, cor torrefactum pyri tosti imaginem representans, absque ulla pericardii iqua, inventum fuit. In alio juvene 25 annorum 24 horarum spatio, mortuo, internam ventriculi tunicam absque omni mucositate, sicut ab igne corrolam deprehendit. ibid. observ. 20. idem pentecost. 4. observ. 8. mentionem facit, A. 1649. infinitum propemodum ægrorum numerum e vivis esse sublatum, ob prohibitum frigidæ potum, eosque, cum siti maximâ torquerent, exustos obisse. Sectis cadaveribus ventriculus, cor, pulmones & reliqua viscera tanquam exusta apparuisse. Consilio



autem excellentiss. Foscæ Innocentii X. Medici & Cubicularii, multos deinde ab assumtis in satis magna copia aquis hordeaceis ; è mortis laqueo fuisse ereptos. Pentecost. 2. observ. 45. laudatus Panirolus in febribus ardentibus fauces ita exsiccatas vidisse testatur, cum suffocationis metu; Administrato vero aquarum refrigerantium potu, febricitantes a suffocatione necisque periculo illico convaluisse. Quanta igitur mala ex interdicto potu suboriri possint, nemo non conicere potest. Hollerius aquam frigidam ante vigorem usui esse non posse statuit. Aëtius permittit, si quintam partem aquæ temperatæ ad aquam frigidam adjicias. Aliqui pane prius eloto, abjectaque priore aqua, aquam conficiunt, quam panatam vocant, eamque frigidissimam propinant, sed maxime in vigore. Nobis Matronam quandam Hagiensem nosse contigit honestissimam, quæ febris ardentissimâ laborans, crebrioribus aquæ communis haustibus pristinam recuperavit sanitatem. Idem mihi de se ipso testatus est, Medicus quidam satis celebri probatæque fidei, studiorum meorum Promotor exoptatissimus. Sic fertur, hanc curandi febres ardentes, methodum, in Insulis Camariis esse communissimam.

### .M XXXI 7

Victus tenuis sit, corpora enim impura, quo magis nutriuntur, eò magis læduntur, juxta Hippocratis nostri mentem; neque dum appetitus ut plurimum accusatur prostratus, ægri ad esum carnis, ovorum, piscium & jusculorum sunt cogendi, facile quippe hæc cadaverantur, sicque minimè nutriunt. Nos cum Helmontio per victum tenuem intellectum volumus, cerevisias tenues vino nuptas, quibus panis admiscetur, prius in aqua separatim coctus, usque in collam sive mucilaginem. Hæc frigida non cocta sunt assumenda, coquendo etenim multum ipsis decedere virtutis, quis ignorat? Quæ autem alimenta ad producendum atque augendum hunc morbum, vitia sua conferant, quæque evitare expediat th. 12. indigita-  
vimus. Sed in quantum, durante febre, appetitus est diminutus, in tantum, homine convalescente, fit auctus. Sedulò igitur sibi caveat sanitati restitutus, necesse esse, ne famelicum ventriculum, nimis ciborum obruat ingestionibus; experientiâ quippe compertum est, multos, qui hancce suam voracitatem compescere malunt, quam paucò atque tenui victu vivere contenti, recidivam fuisse passos. Debilius siquidem ventriculi fermentum tantæ alimentorum copię, acorem suum communicare nequit, ea propter maximam illo-  
rum



rum partem intactam relinquit, unde hæc massa minus fermentata,  
novi mali causa existere potest.

XXXII.

Hæc sunt, quæ temporis penuria benevoli lectoris iudicio, concessit submittere. Si quid in his meis cogitationibus censura tua dignum videbitur, mecum age tanquam cum Medico non tanquam cum oratore. Interea hisce conatibus favorem tuum denuo promittens, DEUMQUE T. O. M. humillima venerans submissione, quod gratia sua, durante mirabili studiorum meorum curriculum clementer mihi adesse, tandemque ad propositum atque exoptatissimum scopum perducere voluerit, disputationi huic inaugurali impono

FINIS.

IN  
Vita humani corporis, quæ a natura præparata est, ut in seipsa  
magis laetetur, iuxta Hippocratis nostri mentem; neque dum  
appetit ut plurimum accretum proflatum, ægri ad elum carnis  
ovorum, piscium & insculptum sunt cogendi, facile quippe hæc  
cadaverant, sed ne minime vitarent. Nos cum Helmonio per  
victum tenuem intellectum volumus, cervicis tenues viro nuptas  
quibus panis admiscetur, prius in adus separatum coctum, nupte in  
collam sive mucilaginem. Hæc frigida non cocta sunt assumenda  
codendo etenim multum ipsi decedere virtutis, quis ignorat?  
Quæ autem alimenta ad producendum apte augendum hunc mor-  
bum, vita sua conferant, quæ de evitare expediat, et. indigita-  
vimus. Sed in duarum, duranti febre, appetitus est diminutus, in  
tantum, homine convalescente, sitis aucta. Sedulo igitur ipsi cavet  
sanitati resistens, necesse esse, ut famelicum ventriculum, nimis  
ciborum cunctat in gestionibus; experientia quippe compertum est,  
multos, qui hancce suam voracitatem compescere maluit, quam  
parco atque tenui victu vivere contenti, recidivam fuisse passos.  
Depilatis id quidem ventriculi tenuem tantæ alimentorum co-  
piam, acorem suum communicare nequit, ea propter maximum illo-



## Nobil. DN. Candidati

## S Y M B O L U M:

*Sudorem Gloria Sequitur.*

**I**sta videbatur studiis superanda relinqui,  
 Dulce Caput, *Scholtzi*, meta suprema Tuis,  
 Carcere quò caperes emenso cigna laboris,  
 Tantorum & propriæ premia digna spei.  
 Haud frustrà madido quondam *sudore* notavit  
 Diffluxisse Tuas *Gloria* Dva genas,  
 Constantem tacito laudavit in nomine nîsum,  
 Quo Medicæ ambibas inpiger artis opes,  
 Risaque perversæ stupuit ludubria fortis  
 Quæ Tibi successus prompta negare fuit,  
 Et modo profectûs specimen non vile secundi  
 Per Tua *de Causo* lemmata docta legens;  
 Vicisti intrepido, labor improbe, robore tandem,  
*Premia sudorem nostra sequantur*, ait.  
 Suscipe commeritas, *Scholtzi*, nunc suscipe laudes,  
 Disceque perpeffi deneminisse mali.  
 Si pretiosa, gravi quæ sunt congesta labore;  
*Gloria sudoris clara sequela* Tui est!

*Alludens de acquirendis dignè honoribus  
 gratulari voluit*

ERNESTUS FRIEDEMANN. SCHELHASZ.

*Fenensis, Med. Doct.*